

JAMHURI YA MUUNGANO WA TANZANIA
OFISI YA WAZIRI MKUU -TAMISEMI



HALMASHAURI YA WILAYA UVINZA
SHULE YA SEKONDARI KIGOMA GIRLS

S.L.P 12,
MTAA WA LUGUFU,
UVINZA- KIGOMA (TANZANIA)

SHULE YA SEKONDARI KIGOMA GIRLS

S.L.P 12 UVINZA

TAREHE :.....

Mzazi/Mlezi wa Mwanafunzi _____
S.L.P _____

YAH: MAELEKEZO YA KUJIUNGA NA KIDATO CHA TANO KATIKA SHULE YA SEKONDARI YA KIGOMA GIRLS ILIYOPO HALMASHAURI YA WILAYA UVINZA MKOA WA KIGOMA, MWAKA

1. Ninafurahi Kukujulisha kuwa mwanao amechaguliwa kujiunga na kidato cha tano katika shule hii, atasoma tahasusi ya
Shule ya sekondari Kigoma Girls ipo wilayani Uvinza katika mkoa wa Kigoma, umbali wa kilomita 1 na nusu kutoka makao makuu ya wilaya ya uvinza panapoitwa Lugufu.
Kwa wanaosafiri na gari (bus) kutokea mikoa ya Dar-es-salaam, Morogoro, Dodoma, mikoa ya kaskazini na kwingineko kwenda Kigoma kupitia Tabora, watahuka sehemu inayoitwa LUGUFU WILAYANI, hapo watapanda pikipiki (bodaboda) hadi shuleni kwa gharama ya Tsh.1,000/= . Ukishukia kituo cha Mabasi Uvinza gharama za usafiri wa bodaboda itaongezeka.
Kwa watakaosafiri na usafiri wa treni/garimoshi (Train) watahuka Uvinza, hapo watapanda daladala ziendazo Kigoma mjini na watahuka maeneo ya Lugufu SHULE YA SEKONDARI KIGOMA GIRLS, nauli ni Tsh. 2,000/= toka Uvinza hadi Lugufu Makao makuu ya wilaya kwa daladala.
kwa watakaotokea Kigoma mjini, watapanda gari za kwenda Uvinza na watahuka LUGUFU (KIGOMA GIRLS SECONDARY SCHOOL, nauli ni Tsh. 4,000/= toka Kigoma mjini hadi Lugufu- Kigoma girls` sekondari kwa daladala.
Kwa wale watakaosafiri kutoka mikoa ya Mwanza, Geita n.k kupitia njia ya Kasulu watahuka Kasulu stendi na watapanda gari za kwenda Uvinza, watahuka Kibaoni na hapo watapanda daladala za kwenda Kigoma kisha watahuka maeneo ya Lugufu Shule ya Sekondari Kigoma Girls.

Muhula wa Masomo unaanza tarehe, hivyo mwanafunzi anatakiwa kuripoti shuleni tarehe..... Mwisho wa kuripoti ni tarehe Mwanafunzi anatakiwa kuwahi kuripoti ili kuanza masomo mapema iwez.....

2. Mambo muhimu ya kuzingatia:-

2.1 Sare za shule.

- i. Sketi mbili zenye Linda box 8 za kitambaa cha suti nzito rangi ya kijani ya mkapa. Sketi ziwe ndefu kufikia kifundo cha mguu na tai 02 ndefu zenye rangi ya kitambaa cha sketi
- ii. Shati mbili 02 za mikono mirefu, mfuko mmoja, rangi nyeupe kitambaa cha halua.

- iii. Soksi jozi mbili nyeupe.
- iv. Sweta yenye shingo ya V rangi ya kijani iliyoiva.
- v. Aje na T-shirt moja (01) rangi ya kijivu, yenye kola nyeusi na nembo ya shule kwenye mfuko. Pia T-shirt zinapatikana Shuleni kwa Tshs 15,000/=.
- vi. Sare ya Michezo ni track suti 01 ya dark blue yenye michirizi nyeupe, koti lisiwe na kofia. jezi ya dark blue (bukta na T-shirt) viwe na michirizi nyeupe. soksi nyeusi na raba nyeupe.
- vii. Viatu nyeusi pea 02 vya kufunga na kamba vyenye visigino vifupi pia kiwi nyeusi (dye nyeusi) na brush ya viatu;
- viii. Nguo za kushindia ni sketi nyeusi ndefu zenye rinda box nane ziwe mbili na hiyo T-shirt ya kijivu iliyotajwa hapo juu.
- ix. Gum boot kwa ajili ya matope vipindi vya mvua.

N.B Kwa wanafunzi wanaovaa ijabu, aje na hijabu mbili nyeupe (kitambaa cha halua) kwa ajili ya darasani na hijabu mbili nyeusi kwa ajili ya kushindia ambazo ni ndefu za kufunika mikono. Zisiwe na mapambo ya aina yoyote.

kwa sare (uniform) zote atakazokuja nazo ziwe zimeandikwa (printed) majina yake mwanafunzi. Mwanafunzi yeyote asije na nguo za nyumbani.

3. MAHITAJI MUHIMU YA KUJA NAYO

Mahitaji muhimu ambayo mwanafunzi anapaswa kuleta shuleni ni:-

- i. Nakala ya cheti cha matokeo ya mwanafunzi ya kidato cha nne (form four result slip) na nakala (copy) ya cheti cha kuzaliwa cha mwanafunzi.
- ii. Rimu mbili kwa kila mwaka – A4. Kwa muhula ni rimu moja (1)
- iii. Shuka mbili (2), rangi ya bluu bahari, blanket moja (1) na chandarua rangi nyeupe.
- iv. Vyombo vya chakula (kontena, kijiko na kikombe).
- v. Ndoo mbili ndogo zenye mifuniko, dumu la lita tano (5) kwa ajili ya kuhifadhi maji ya kunywa pamoja na beseni la kufulia.
- vi. **Lab coat.**
- vii. **Kadi ya bima ya afya. (Mzazi jitahidi kumkatia mwanao bima ya afya ili kuepuka usumbufu wa gharama za matibabu akiwa shuleni)**
- viii. Godoro moja (1) futi 2.5 kwa 6.
- ix. Aje na vitabu vinavyohusisha masomo yake.
- x. Scientific calculator kwa michepuo ya sayansi na hisabati na Graph pad 1.
- xi. Dissecting kit kwa wanafunzi wanaosoma biolojia
- xii. file kwa ajili ya kuhifadhi nyaraka zake mbalimbali za darasani.
- xiii. Tochi ya solar kwa ajili ya matumzi yake ya kujisomea kipindi ambacho umeme unakata.
- xiv. Sanduku la chuma (tranka) kwa ajili ya kuhifadhi vitu vyake.
- xv. Nguo za ndani za kutosha, Taulo/kitenge/khanga bila kusahau nguo za kulalia (night dress).
- xvi. Sabuni za kufulia na kuogea, vifaa vya usafi binafsi kama vile shavers pamoja na mahitaji mengine madogomadogo ikiwemo pesa ya matumizi ya mtoto (pocket money)

4. Mahitaji mengine muhimu ambayo mwanafunzi anapaswa kuja nayo shuleni:-

- i. Madaftari 10 counter books na daftari 10 za msomi.
- ii. Kwanja 1, jembe 1 na mpini wake, na reki 1 (kwa wanafunzi wa PCM)
- iii. Hardbroom 1, softbroom 1, mfagio wa chelewa yenye mpini 1, na squeezer au mopper 1 (kwa wanafunzi wa PCB na PGM).
- iv. Vitabu vya masomo ya tahasusi husika kulingana na mtaala mpya.

5. Michango mbalimbali

a) Shule za Bweni

Na	Aina ya Mchango	Kiasi
1.	Tahadhari	5,000/=
2.	Nembo ya shule	5,000/=
3.	Kitambulisho cha Shule na picha	5,000/=
4.	Undeshaji wa Shule	65,000/=
	JUMLA:	80,000/=

Michango yote hiyo iingizwe kwenye Acount ya shule yenye jina **KIGOMA GIRLS SECONDARY SCHOOL**, Akaunti Na. **52610020561 (NMB)**

6.0 Sheria na kanuni za shule

Shule inaendeshwa kwa mujibu wa Sheria ya Elimu Na. 25 ya mwaka 1978 na kama ilivyo rekebisha kwa Sheria Na. 10 ya mwaka 1995. Aidha, inazingatia miongozo yote inayotolewa na Wizara ya Elimu, Sayansi na Teknolojia yenye dhamana ya elimu na Ofisi ya Rais – TAMISEMI yenye jukumu la usimamizi na uendeshaji wa elimu nchini. Unatakiwa kuzingatia mambo ya msingi yafuatayo ambayo yanafafanuliwa kwa maandishi na utapewa nakala yake mara baada ya kuripoti shuleni. Mambo hayo ni pamoja na;

Sheria na kanuni za shule

- i. Heshima kwa viongozi, wazazi, wafanyakazi wote, wanafunzi wengine na jamii kwa ujumla ni jambo la lazima.
- ii. Mahudhurio mazuri katika kila shughuli ndani na nje ya shule kulingana na ratiba ya shule.
- iii. Kushiriki kwa kikamilifu masomo ya usiku (preparation).
- iv. Kuwahi katika kila shughuli za shule utakazopewa.
- v. Kufahamu mipaka ya shule na kuzingatia kikamilifu maelekezo ya kuwepo ndani na nje ya shule ya mipaka hiyo wakati wote wa uanafunzi wako katika shule hii.
- vi. Kutunza usafi wa mwili, mavazi na mazingira ya shule.
- vii. Kuvaa sare ya shule wakati wote unapotakiwa.
- viii. Kuzingatia ratiba ya shule wakati wote.
- ix. Kutunza mali za shule.
- x. Ni marufuku mwanafunzi kumiliki vifaa vyenye ncha kali na dawa bila idhini ya daktari, na Mwanafunzi haruhusiwi kubadili dini wala kumshawishi mwanafunzi mwenzake kubadili dini wawapo shuleni.
- xi. Mwanafunzi haruhusiwi kusuka wala kuwa na nywele ndefu. Urefu wa nywele usiweze kuficha hata sindano.

MUHIMU:

- ❖ **Mwanafunzi hapaswi kuja na simu shuleni kwa namna yoyote ile, na hakuna mtumishi anayeruhusiwa kutunza simu ya mwanafunzi. Pia, kipindi chote mwanafunzi awapo shuleni hataruhusiwa kuongea na mzazi/mlezi wake moja kwa moja kupitia simu yoyote ile bali mawasiliano baina ya mwanafunzi na mzazi/mlezi yatafanyika kupitia mwalimu wa mawasiliano wa mwanafunzi husika. Namba za mwalimu wa mawasiliano zitatolewa na mkuu wa shule pindi mwanafunzi atakaporipoti.**

- ❖ Mwanafunzi awapo shuleni atatakiwa kulala kwenye bweni alilopangiwa na kitanda alichopangiwa. Ni marufuku mwanafunzi kulala kitanda kimoja na mwenzake au kuishi kwenye bweni ambalo hakupangiwa. Kitanda kimoja kitatumika kwa mwanafunzi mmoja tu.
- ❖ Mwanafunzi ataruhusiwa kurudi nyumbani kwa ruhusa na kibali maalum toka kwa mkuu wa shule (msiba au ugonjwa)

6.2 Makosa yatakasababisha mwanafunzi kufukuzwa shule

- 1) Wizi.
- 2) Kutohudhuria masomo kwa muda wa siku 90 bila taarifa (utoro).
- 3) Kugoma na kuhamasisha mgomo.
- 4) Kutoa lugha chafu kwa wanafunzi wenzake, walimu, walezi na jamii kwa ujumla.
- 5) Kupigana mwanafunzi na mwanafunzi, kumpiga mwalimu au mtu yeyote Yule.
- 6) Kusuka nywele. Wanafunzi wote wanatakiwa kuwa na nywele fupi wakati wote wawapo shuleni.
- 7) Ulevi au unywaji wa pombe na matumizi ya madawa ya kulevywa.
- 8) Uvutaji sigara.
- 9) Uasherati, uhusiano wa jinsia moja, kuolewa.
- 10) Kupata ujauzito au kutoa mimba.
- 11) Kushiriki matendo ya uharifu, siasa na matendo yoyote yale yanayovunja sheria za nchi.
- 12) Kutembelea majumba ya starehe na nyumba za kulala wageni.
- 13) Kumiliki, kukutwa na kutumia simu ya mkononi katika mazingira ya shule.
- 14) Kudharau bendera ya taifa.
- 15) Kufanya jaribio lolote la kujiua au kutishia kujiua kama kunywa sumu nk.
- 16) Uharibifu wa mali ya Umma kwa makusudi.

7.0,VIAMBATANISHO NA FOMU MUHIMU

- a) Fomu ya uchunguzi wa afya (medical examination form) ambayo itajazwa na mganga mkuu wa hospitali ya serikali.
- b) Fomu ya maelezo binafsi kuhusu historia ya mwanafunzi/mkataba wa kutoshiriki katika mgomo, fujo na makosa ya jinai.
- c) Fomu ya mzazi kukiri na kukubaliana na sheria, kanuni, ulipaji michango na maelezo mengine yatakatolewa na shule.
- d) Picha nne (4) za wazazi na ndugu wa karibu wa mwanafunzi wanaoweza kumtembelea mwanafunzi shuleni pamoja na namba zao za simu.
- e) Orodha ya vitabu vilivyopendekezwa na shule.

NB: tafadhali soma kwa makini maelezo/maagizo haya na kuyatekeleza kikamifu

MAELEZO MUHIMU

Kwa siku za hivi karibuni kumekuwa na utapeli (wizi kwa njia ya mitandao). Baadhi ya wazazi wamekuwa wakitumiwa ujumbe mfupi au kupigiwa simu na watu wanaojitambulisha kama ni walimu na kuwafahamisha kuwa mtoto wao anaumwa yuko mahututi hivyo mzazi/mlezi atume pesa.

TAFADHALI UPATAPO UJUMBE WOWOTE KWA KUPIGIWA SIMU AU UJUMBE MFUPI WA MANENO KUHUSU MWANAFUNZI/MTOTO WAKO USITUME CHOCHOTE, NI VEMA UKAWASILIANA NA UONGOZI WA SHULE KUPATA UKWELI WA TAARIFA HUSIKA KWA NAMBA ZIFUATAZO

KARIBU SANA KATIKA SHULE HII




Saini ya Mkuu wa Shule
Jina la Mkuu wa Shule: BERNADETTA S. NAYINGO
Mhuri wa Mkuu wa Shule

Mawasiliano

Mkuu wa Shule: 0652922192/0652268112

Makamu wa mkuu wa shule; 0757024679



SHULE YA SEKONDARI KIGOMA GIRLS
S. L. P 12,
UVINZA

FORM NUMBER 2.

HISTORIA YA MWANAFUNZI

- i. Jina la mwanafunzi
- ii. Jina la baba
- iii. Jina la mama
- iv. Jina kamili la mlezi
- v. Anuani ya mzazi/mlezi
- vi. Namba ya simu ya mzazi/mlezi
- vii. Uhusiano wa mlezi
- viii. Kazi ya baba. (mkulima, mfanyabiashara, mfanyakazi n.k)
- ix. Kama ni mkulima, zao muhimu analolitegemea ni
- x. Kama ni mfanyabiashara, biashara yake ni
- xi. Kama ni mfanyakazi, kazi yake ni
- xii. Afya ya mwanafunzi, kama anayo matatizo ya kiafya na hivyo kustahili huduma maalum tafadhali mzazi/mlezi aeleze wazi.....
- xiii. Madhehebu ya dini
- xiv. Jamaa ya ndugu wanaoruhusiwa kumtembelea mwanafunzi kwa ruhusa ya mzazi/mlezi jina kamili kazi yake namba ya simu

1

2

3

4

Bandika picha

Bandika picha

Bandika picha

Bandika picha

**SHULE YA SEKONDARI KIGOMA GIRLS
S. L. P 12,
UVINZA**

FORM NUMBER 3

FOMU YA KUKUBALI KUJIUNGA NA SHULE

Jina la mwanafunzi Jina la

mzazi/mlezi Anuani ya mzazi/mlezi Uhusiano

(Mfano; baba, mjomba, kaka, dada n.k)

Mimi..... nikiwa nimechaguliwa kuwa mwanafunzi wa Tanzania naamini kuwa nimetunukiwa nafasi hiyo niliyopewa na umma wa Tanzania. Hivyo naahidi kuwa nitajibiisha kadri ya uwezo wangu wote katika kazi zangu zote nitakazopewa hapa shuleni nje na ndani ya darasa ili kuleta ufanisi. Ili kutimiza shabaha hiyo ninakubali na ninaahidi kwa hiari yangu mwenyewe kuwa nitafanya kazi kwa BUSARA, JUHUDI YA HALI YA JUU KABISA NA KUTII viongozi wote wa shule pamoja na sheria. Nikiwa na maoni au malalamiko ninaahidi nitayafikisha panapohusika kwa njia na taratibu zinazokubalika.

Sahihi ya mwanafunzi tarehe

Mimi Mzazi/mlezi wa mwanafunzi ninaahidi kuwa nitatimiza wajibu wangu kama mzazi/mlezi wa mtoto huyo kwa kushirikiana na shule.

Sahihi ya mzazi/mlezi tarehe



SKETI YA SHULE



SHAMBA DRESS



SARE YA MICHEZO



VAZI LA KIISLAMU



SARE YA SHULE



SARE YA MICHEZO



SWETA LA SHULE - (DARK GREEN)